

ხობის მუნიციპალიტეტის მეხუთე მოწვევის საკრებულოს ბიუროს სხდომისა

ქ. ხობი

2023 წლის 28 ნოემბერი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 10

ბიუროს სხდომას ესწრებოდნენ ბიუროს წევრები:

1. ლევან ქავთარაძე
2. ნუზარ შუშანია
3. მედეა თათარიშვილი
4. დოდო გაბუნია
5. ვლადიმერ ქანთარია
6. ლევან ლიპარტია
7. ბექა მამაცაშვილი
8. აკაკი მალანია

ბიუროს სხდომას თავმჯდომარეობდა ლევან ქავთარაძე – საკრებულოს თავმჯდომარე

დღის წესრიგი:

1. ხობის მუნიციპალიტეტის საკრებულოს წევრის მ. იოსავას 2023 წლის 20 ოქტომბრის N19/51232933-51 განცხადების განხილვა (ხობის მუნიციპალიტეტის საკრებულოს მორიგ სხდომაზე მოხსენების თაობაზე);

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე);

2. პეტიციის წარმომდგენი სუბიექტის მ. იოსავას 2023 წლის 13 ნოემბრის N19/51233173-51 განცხადების განხილვა („ხობის მუნიციპალიტეტის პირველი მაისის ადმინისტრაციულ ერთეულში წყალმომარაგების პრობლემის „შესახებ“ საკითხის საკრებულოს სხდომაზე შესწავლა, განხილვა და გადაწყვეტის თაობაზე“);

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე);

3. ხობის მუნიციპალიტეტის მერის დ. ბუკიას 2023 წლის 27 ნოემბრის N50-502333115 წერილის განხილვა:

- „ხობის მუნიციპალიტეტის მერისთვის მუნიციპალიტეტის საკუთრებაში არსებული ძირითადი ქონებების სარგებლობის უფლებით, უზუფრუქტის ფორმით, უსასყიდლოდ გადაცემაზე თანხმობის მიცემის „შესახებ“ განკარგულების პროექტის თაობაზე;
- „ხობის მუნიციპალიტეტის მერისთვის მუნიციპალიტეტის საკუთრებაში არსებული მოძრავი ქონების სარგებლობის უფლებით (თხოვების ფორმით) პირდაპირი განკარგვის წესით გადაცემაზე თანხმობის მიცემის „შესახებ“ განკარგულების პროექტის თაობაზე;

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე);

4. ხობის მუნიციპალიტეტის გენდერული თანასწორობის საბჭოს თავმჯდომარის ლ. ქავთარაძის 2023 წლის 27 ნოემბრის N51-512233315 განცხადების განხილვა („ხობის მუნიციპალიტეტის გენდერული თანასწორობის საბჭოს 2024-2025 წლების სამოქმედო გეგმის დამტკიცების „შესახებ“ განკარგულების პროექტის თაობაზე)

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე – 8, წინააღმდეგი – 0

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებული საკითხების განხილვა

1. ხობის მუნიციპალიტეტის საკრებულოს წევრის მ. იოსავას 2023 წლის 20 ოქტომბრის N19/51232933-51 განცხადების განხილვა (ხობის მუნიციპალიტეტის საკრებულოს მორიგ სხდომაზე მოხსენების თაობაზე)

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

მოისმინეს: მ. თათარიშვილი - მომხსენებელმა ბიუროს წევრებს გააცნო საკრებულოს წევრის მ. იოსავას განცხადება ხობის მუნიციპალიტეტის საკრებულოს მორიგ სხდომაზე მოხსენების

თაობაზე (ოქმს თან ერთვის) და აღნიშნა, რომ საკრებულოს წევრს მაღაზ იოსავას სურდა განცხადების გაკეთება სხვადასხვა საკითხებთან დაკავშირებით.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით ხომ არ ექნებოდათ რაიმე სახის მოსაზრებები, მაგრამ ბიუროს წევრების მხრიდან განცხავებული მოსაზრება არ გამოთქმულა.

კენჭი ეყარა წინადადებას წარმოდგენილი საკითხის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 8, წინაღმდეგი - 0

დაადგინეს: წარმოდგენილი საკითხი შეტანილ იქნეს საკრებულოს სხდომის დღის წესრიგში „სხვადასხვა საკითხად“.

2. პეტიციის წარმომდგენი სუბიექტის მ. იოსავას 2023 წლის 13 ნოემბრის N19/51233173-51 განცხადების განხილვა („ხობის მუნიციპალიტეტის პირველი მაისის ადმინისტრაციულ ერთეულში წყალმომარაგების პრობლემის შესახებ საკითხის საკრებულოს სხდომაზე შესწავლა, განხილვა და გადაწყვეტის თაობაზე“)

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

მოისმინეს: ბ. მამაცაშვილი - მომხსენებელმა ბიუროს წევრებს გააცნო, პეტიციის წარმომდგენი სუბიექტის (მ. იოსავა) განცხადება, „ხობის მუნიციპალიტეტის პირველი მაისის ადმინისტრაციულ ერთეულში წყალმომარაგების პრობლემის შესახებ საკითხის საკრებულოს სხდომაზე შესწავლა, განხილვა და გადაწყვეტის თაობაზე“ (ოქმს თან ერთვის) და აღნიშნა, რომ საკრებულოში შემოვიდა განცხადება პეტიციის წესით, რომლის წარმდგენი სუბიექტი გახლავთ საკრებულოს წევრი მაღაზი იოსავა, განცხადებას საქართველოს კანონმდებლობის თანახმად ხელს აწერს მუნიციპალიტეტის ტერიტორიაზე მცხოვრები 300 მოქალაქე. საკრებულოს აპარატში შერჩევითი წესის საფუძველზე გადამოწმებულ იქნა ხელმოწერების ნამდვილობა, რის შემდეგაც განცხადების ავტორზე გაცემულ იქნა პეტიციის რეგისტრაციის მოწმობა. კომისიის მიერ განხილულ იქნა განცხადებაში დასმული საკითხი, რომელიც შეეხება ხობის მუნიციპალიტეტის პირველი მაისის ადმინისტრაციულ ერთეულში წყალმომარაგების სისტემის პროექტირებისთვის საჭირო თანხების ბიუჯეტში მობილიზებას. განცხადებაში ნათქვამია, რომ პირველი მაისის ადმინისტრაციულ ერთეულში მცხოვრები მოსახლეობა

წყალმომარაგების უქონლობის გამო იმყოფება გაუსაძლის მდგომარეობაში, განსაკუთრებით ზაფხულის პერიოდში, ფაქტიურად ჭები შრება და მოსახლეობას პრობლემა აქვს, როგორც სასმელი, ასევე საყოფაცხოვრებო წყლით უზრუნველყოფის თვალსაზრისით. აღნიშნული საკითხის გადაწყვეტის მიზნით შემოსული პეტიცია განხილულ იქნა კომისიის მხრიდან და მიზანშეწონილად მიგვაჩნია მოსახლეობის ინტერესების გათვალისწინებით, არსებული პრობლემის გადაწყვეტის მიზნით საკითხი განხილულ იქნეს საკრებულოს სხდომაზე და დაევალოს მუნიციპალიტეტის მერიას პირველი მაისის ადმინისტრაციულ ერთეულში წყალმომარაგების სისტემის საკითხის გადაწყვეტა.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით ხომ არ ექნებოდათ რაიმე სახის მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი საკითხის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 8, წინააღმდეგი - 0

დაადგინეს: წარმოდგენილი საკითხი შეტანილ იქნეს საკრებულოს სხდომის დღის წესრიგში.

3. ხობის მუნიციპალიტეტის მერის დ. ბუკიას 2023 წლის 27 ნოემბრის N50-502333115 წერილის განხილვა:

- „ხობის მუნიციპალიტეტის მერისთვის მუნიციპალიტეტის საკუთრებაში არსებული ძირითადი ქონებების სარგებლობის უფლებით, უზუფრუქტის ფორმით, უსასყიდლოდ გადაცემაზე თანხმობის მიცემის „შესახებ“ განკარგულების პროექტის თაობაზე;
- „ხობის მუნიციპალიტეტის მერისთვის მუნიციპალიტეტის საკუთრებაში არსებული მოძრავი ქონების სარგებლობის უფლებით (თხოვების ფორმით) პირდაპირი განკარგვის წესით გადაცემაზე თანხმობის მიცემის „შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

მოისმინეს: ვ. ქანთარია - მომხსენებელმა ბიუროს წევრებს გააცნო, განკარგულის პროექტები „ხობის მუნიციპალიტეტის მერისთვის მუნიციპალიტეტის საკუთრებაში არსებული

ძირითადი ქონებების სარგებლობის უფლებით, უზუფრუქტის ფორმით, უსასყიდლოდ გადაცემაზე თანხმობის მიცემის „შესახებ“ და „ხობის მუნიციპალიტეტის მერისთვის მუნიციპალიტეტის საკუთრებაში არსებული მოძრავი ქონების სარგებლობის უფლებით (თხოვების ფორმით) პირდაპირი განკარგვის წესით გადაცემაზე თანხმობის მიცემის „შესახებ“ და კომისიის დასკვნები წარმოდგენილ პროექტებთან დაკავშირებით (მასალები ოქმს თან ერთვის) და აღნიშნა, რომ 1) მუნიციპალიტეტის მერიის განმარტებით, მუნიციპალიტეტის მერიაში მიმდინარე წლის 26 ოქტომბერს შევიდა ა(ა)იპ „საქართველოს სამედიცინო ჰოლდინგის“ ხელმძღვანელის წერილი, რომლითაც საქართველოს მთავრობის 2022 წლის 12 იანვრის N4 დადგენილების თანახმად, ითხოვენ მუნიციპალიტეტის საკუთრებაში არსებული ძირითადი ქონების გადაცემას უზუფრუქტის ფორმით, ორი წლის ვადით, მთავრობის დადგენილების შესაბამისად, სოფლის ამბულატორიების ქსელის ინფრასტრუქტურული მდგომარეობის მოწესრიგების მიზნით. ზემო აღნიშნულის გათვალისწინებით, მერიის მიერ მომზადდა განკარგულების პროექტი „ხობის მუნიციპალიტეტის მერისთვის მუნიციპალიტეტის საკუთრებაში არსებული ძირითადი (განუსხვისებელი) ქონების სარგებლობის უფლებით, უზუფრუქტის ფორმით, უსასყიდლოდ გადაცემაზე თანხმობის მიცემის „შესახებ“. წარმოდგენილი განკარგულების პროექტი შინაარსობრივად დაკორექტირებულ იქნა, რომელიც მომზადდება ხელმოსაწერად, სხვა მხრივ პროექტი აკმაყოფილებს საქართველოში მოქმედ კანონმდებლობას. 2) მუნიციპალიტეტის მერიის განმარტებით, მუნიციპალიტეტის საკუთრებაში არსებული სპეციალური დაზიშნულების, ასენიზაციის ავტომანქანა, (CLW მარკის, გამოშვებული 2023 წელს, 109622 ლარის ღირებულების), მიზანშეწონილად მიაჩნიათ, სარგებლობის უფლებით, (თხოვების ფორმით) არსებობის ვადით, უსასყიდლოდ გადაეცეს შპს „ხობის მუნიციპალიტეტის წყალმომარაგებას“. გამომსვლელის განცხადებით, წარმოდგენილი განკარგულების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ შენიშვნები და მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 8, წინააღმდეგი - 0

დაადგინეს: წარმოდგენილი განკარგულების პროექტები შეტანილ იქნეს საკრებულოს სხდომის დღის წესრიგში.

4. ხობის მუნიციპალიტეტის გენდერული თანასწორობის საბჭოს თავმჯდომარის ლ. ქავთარაძის 2023 წლის 27 ნოემბრის N51-512233315 განცხადების განხილვა („ხობის მუნიციპალიტეტის გენდერული თანასწორობის საბჭოს 2024-2026 წლების სამოქმედო გეგმის დამტკიცების შესახებ“ განკარგულების პროექტის თაობაზე)

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

მოისმინეს: მ. თათარიშვილი - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის გენდერული თანასწორობის საბჭოს 2024-2025 წლების სამოქმედო გეგმის დამტკიცების შესახებ“ და კომისიის დასკვნა წარმოდგენილ პროექტთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის გენდერული საბჭოს სხდომა გაიმართა 2023 წლის 10 ნოემბერს, სადაც განხილულ იქნა ხობის მუნიციპალიტეტის გენდერული საბჭოს 2023-2024 წლების სამოქმედო გეგმა, რომლის პროექტიც მომზადდა კულტურულ-ჰუმანიტარული ფონდ „სოხუმის“ მხარდაჭერით. წარმოდგენილ განკარგულების პროექტში გაწერილია კანონით გათვალისწინებული ის აუცილებელი ღონისძიებები, რომლებიც უნდა გატარდეს მუნიციპალიტეტის მხრიდან გენდერულ ჭრილში, გეგმით დადგენილ პერიოდში. გამომსვლელის განცხადებით, ხობის მუნიციპალიტეტის გენდერული საბჭოს მიერ წარმოდგენილი განკარგულების პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია წარმოდგენილი სახით მისი გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ შენიშვნები და მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 8, წინააღმდეგი - 0

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში.

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე

ლევან ქავთარაძე

